




ერუთა კავშირის პრეზიდენტის არჩევნების გაუქმებული შედეგები

ერუთა კავშირის წევრმა, დ.დ.-მ ერუთა კავშირს სასამართლო დავა მოუგო. მის ინტერესებს სასამართლოში საია-ს თბილისის ოფისი იცავდა. დავა შეეხებოდა 2015 წელს ერუთა კავშირის არჩევნების შედეგების გაუქმებას. კერძოდ, დ.დ. მონაწილეობდა კავშირის პრეზიდენტის არჩევნებში. დ.დ.-ს კანდიდატურას არჩევნების დღეს კენჭი არ ეყარა. კენჭისყრაში მონაწილეობაზე უარს ერუთა კავშირი ასაბუთებდა იმით, რომ კენჭისყრის მომენტისათვის დ.დ.-ს მოხსნილი ჰქონდა საკუთარი კანდიდატურა. აღსანიშნავია, რომ დ.დ.-ს უარი არ ჰქონდა ნათქვამი კენჭისყრაში მონაწილეობაზე და საკუთარ მხარდამჭერებთან ერთად (რომელთაც არ ეძლეოდათ შენობაში შესვლის შესაძლებლობა), იმყოფებოდა შენობის გარეთ მიმდინარე აქციაზე.

სასამართლომ განმარტა, რომ არჩევნების სხდომას ესწრებოდნენ პრეზიდენტობის მეორე კანდიდატის მიმართ არაოპოზიციურად განწყობილი წევრები, ხოლო ვერ ესწრებოდნენ დ.დ.-ს მომხრეები. შენობაში შეღწევისათვის მათ მიმართ ხორციელდებოდა პოლიციელთა წინააღმდეგობა. სასამართლომ ასევე განმარტა, რომ „ასარჩევ პრეტენდენტებს წესდებით

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



გააჩნიათ უფლება თანაბარ საარჩევნო გარემოზე, რაც წინამდებარე შემთხვევაში დ.დ.-ს მიმართ დარღვეულ იქნა“. ამიტომ, სასამართლომ გააუქმა პრეზიდენტის არჩევნების შედეგები და პრეზიდენტის არჩევნები ხელახლა უნდა ჩატარდეს.